



御選歷代詩餘卷五目錄

四十一字

點絳脣

寇準

趙抃

王禹偁

韓琦

晏幾道

四首

蘇軾

二首

黃庭堅

秦觀

賀鑄



毛滂 四首

舒亶

王安禮

蘇庠

蘇過

周紫芝

謝逸

廖行之

周邦彥 四首

曹組 五首

呂渭老

何籀 二首

蔡伸 三首

葉夢得

王庭珪

汪藻

趙師俠

王十朋 三首

趙鼎 二首

朱翌

張元幹 三首

張掄 二首

曾覲

侯寘

曾惇

朱雍

辛棄疾

周必大 二首

姜夔

呂勝己 二首

袁去華 二首

吳琚

趙彥端 四首

管鑑

陸游

張輯 二首

王炎

俞灝

高觀國 二首

史達祖

汪莘 二首

楊澤民

盧炳

吳文英 四首

陳允平 三首

周密

張炎

石孝友 二首

方有聞

趙君舉

王茂孫

吳大有

李銓

寇寺丞

無名氏 二首

舒氏

魏氏

李清照 二首

朱淑真

段克己

李俊民 二首

元好問 二首

張弘範 二首

程鉅夫

劉敏中

王暉

詹正

白樸

蒲道源

蕭允之

曾允元

張翥

劉基

楊基 二首

楊慎

吳子孝 二首

王慎中

焦竑

王衡 二首

陳繼儒 四首

施紹莘 二首

葉小鸞 二首

張引元

御選歷代詩餘卷五目錄

Blank columns for text.

御選歷代詩餘卷五四十一字

司經局洗馬掌局事兼翰林院修撰加二級臣王奕清奉



旨校刊

點絳脣

取江淹詩明珠點絳脣之句一名點櫻桃一名沙頭兩一名南浦月一名一痕沙雙調四十一字

點絳脣

寇準

小陌輕寒社公雨足東風慢定巢新燕濕雨穿花轉
象尺熏爐拂曉停針線愁蛾淺飛紅零亂側臥珠簾捲

前調

趙抃

秋氣微涼夢迴明月穿簾幕井梧蕭索正遶南枝鵲
寶瑟塵生金鴈空零落情無託鬢雲慵掠不似伊恩薄

前調

王禹偁

雨恨雲愁江南依舊稱佳麗水村漁市一縷孤煙細
天際征鴻遙認行如綴平生事此時凝睇誰念凭闌意

前調

韓琦

病起慙慙庭前花影添憔悴亂紅飄砌滴盡珍珠淚
惆悵春時誰向花前醉愁無際武陵凝睇人遠波空翠

前調

晏幾道

明日征鞭又將南陌垂楊折自憐輕別拚得音塵絕
杏子枝邊倚徧闌干月依前缺去年時節舊事無人說

前調

晏幾道

妝席相逢旋勻紅淚歌金縷意中曾許欲共吹花去

長愛荷香柳色殷橋路留人住淡煙微雨好箇雙棲處

前調

晏幾道

花信來時恨無人似花依舊又成春瘦折斷門前柳
天與多情不與長相守分飛後淚痕和酒沾了雙羅袖

前調

晏幾道

湖上西風露花啼處秋香老謝家春草唱得清商好
笑倚蘭舟轉盡新聲了煙波渺暮雲稀少一點涼蟾小

前調

蘇軾

杭州

閒倚交牀庾公樓外峰千朵與誰同坐明月清風我
別乘一來有唱終須和還知麼自從添箇風月平分破

前調

蘇軾

月轉烏啼畫堂宮徵生離恨美人愁悶不管羅衣褪
清淚斑斑揮斷柔腸寸嗔人問背燈偷搵拭盡殘妝粉

前調

重九寄
嗣直弟

黃庭堅

濁酒黃花畫簾十日無秋燕夢中相見似作枯禪觀
鏡裏朱顏又減心情半江山遠登高人健寄語東飛鴈

前調

秦觀

醉漾輕舟信流引到花深處塵緣相誤無計花間住
煙水茫茫回首斜陽暮山無數亂紅如雨不記來時路

前調

賀鑄

紅杏飄香柳含煙翠拖金縷水邊朱戶門掩黃昏雨
燭影搖紅一枕傷情緒歸不去秦樓何處芳草迷歸路

前調

毛滂

柏葉春醅爲君競酌玻璃盞玉簫牙管人意如春暝
髮綠長留不使韶華晚春無限碧桃花畔笑看蓬萊淺

前調

毛滂

何處君家蟠桃花下瑤池畔日遲煙暝留得春長遠
幾見花開一任年光換今年見明年重見春色如人面

前調

復尋舊
游不果

毛滂

小院重簾那回來處花相向遲遲一晌記得春模樣
昨夜月明應照芙蓉帳空凝望蜂勞蝶攘誰在花枝上

前調

惠山夜月
贈鼓琴者

毛滂

繡嶺橫秋玉螭吹暑迎涼氣碧崖流水流入春蔥指

半倚朱顏微蹙連環珥通深意月明風細分付知音耳

前調 湖上聞樂

舒 亶

紫霧香濃翠華風轉花隨輦洞天雲暝一片笙歌遠
水殿龍舟憶侍瑤池宴閒庭院夢迴春半雲鬢無人見

前調 縣齋

王安禮

秋晚寒齋藜牀香篆橫輕霧閒愁幾許夢逐芭蕉雨
雲外征鴻似替幽人語歸不去亂山無數斜日荒城鼓

前調

蘇 庠

冰勒輕颺綠痕初漲迴塘水柳洲煙際白鷺翹沙觜
箛笠青蓑未減貂蟬貴雲濤裏醉眠篷底不屬人間世

前調

蘇 過

新月娟娟夜寒江靜山銜斗起來搔首梅影橫牕瘦
好箇霜天閒却傳杯手君知否亂鴉啼後歸興濃於酒

前調 桃花落盡賦此

周紫芝

燕子風高小桃枝上花無數亂溪深處滿地飛紅雨
喚得春來又送春歸去渾無緒劉郎前度空記來時路

前調

謝 逸

金氣秋分風清露冷秋期半涼蟾光滿桂子飄香遠
素練寬衣仙仗明飛觀霓裳亂銀橋人散吹徹昭華琯

前調 送人歸新城

廖行之

音信西來匆匆思作東歸計別懷縈繫為箇人留滯
尊酒團圓莫惜通宵醉還來未滿期君至只在初三是

前調

孤館迢迢暮天草露沾衣潤夜來秋近月暈通風信
今日原頭黃葉飛成陣知人悶故來相趁共結臨歧恨

周邦彥

前調

征騎初停酒行莫放離歌舉柳汀蓮浦看盡江南路
苦恨斜陽冉冉催人去空回顧淡煙橫素不見揚鞭處

周邦彥

前調

臺上披襟快風一瞬收殘雨柳絲輕舉蛛網黏飛絮
極目平蕪應是春歸處愁凝佇楚歌聲苦村落黃昏鼓

周邦彥

前調

遼鶴歸來故鄉多少傷情地短書不寄魚浪空千里

周邦彥

憑仗桃根說與相思意愁無際舊時衣袂猶有東風淚

前調

詠御射

曹組

秋勁風高暗知斗力添弓面靶分筠幹月到天心滿

白羽流星飛上黃金盃龍沙鴈雲邊驚散壓盡天山箭

前調

曹組

霜落吳江萬畦香稻來場圃夜村春黍草屋寒燈雨

玉粒長腰沉水溫溫注相留住共抄雲子更聽歌聲度

前調

燭

曹組

蜜炬高烧寶刀時翦金花碎照人歡醉也照人無睡

待得灰心陪盡千行淚籠紗裏夜涼如水猶喜長成對

前調

曹組

雲透斜陽半樓紅影明牕戶暮山無數歸鴈愁邊去
十里平蕪花遠重重樹空凝佇故人何處可惜春將暮

前調

曹組

沉醉歸來洞房燈火閒相照夜寒猶峭信意和衣倒
春夢雖多好夢常常少紗牕曉鳳幃人悄花外空啼鳥

前調

聖節鼓子詞

呂渭老

扇列紅鸞赭黃日色明金殿御香葱蒨寶仗香風暎
咫尺天顏九奏朝陽管羣臣宴醉霞凝面午漏傳宮箭

前調

何籀

春雨濛濛淡煙深鎖垂楊院暎風輕扇落盡桃花片
薄倖不來前事思量徧無由見淚痕如線界破殘妝面

前調

何籀

鶯踏花翻亂紅堆徑無人埽杜鵑來了梅子枝頭小
撥盡琵琶總是相思調知音少暗傷懷抱門掩青春老

前調

登歷陽連雲觀

蔡伸

水遶孤城亂山深鎖橫江路帆歸別浦冉冉蘭橈暮
人在天涯鴈背南雲去空凝佇鳳樓何處煙霧迷津渡

前調

蔡伸

香雪飄零暎風著柳籠絲雨惱人情緒春事還如許
寶勒朱輪共結尋芳侶東郊路亂紅深處醉拍黃金縷

前調

梅

蔡伸

綠萼冰花數枝清影橫疎牖玉肌清瘦夜久輕寒透

忍使孤芳攀折他人手人歸後斷腸回首只有香盈袖

前調

葉夢得

高柳蕭蕭睡餘已覺西風勁小牕人靜浙瀝生秋聽
底事多情欲與流年競殘雲暝墜巾慵整獨立芝蘭徑

前調

上元鼓子詞

王庭珪

玉漏春遲鐵關金鎖星橋夜暗塵隨馬明月應無價
天半朱樓銀漢星光射更深也翠蛾如畫猶在涼蟾下

前調

汪藻

高柳蟬嘶採菱歌斷秋風起晚雲如髻湖上山橫翠
簾捲西樓過雨涼生袂天如水畫樓十二有箇人同倚

前調

趙師俠

漠漠春陰褪花時候餘寒峭數聲幽鳥喚起簾櫳曉
雲鬢慵梳淡拂春山小情多少亂縈愁抱風裏垂楊裊

前調

醉醺醺

王十朋

野態芳姿枝頭占得春長久怕鈎衣袖不放攀花手
試問東風花似當時否還依舊謫仙去後風月今誰有

前調

梅

王十朋

雪徑深深北枝貪睡南枝醒暗香疎影孤壓羣芳頂
玉豔冰姿妝點園林景凭闌詠月明溪靜憶昔林和靖

前調

瑞香花

王十朋

欄檻陰沉紫雲呈瑞餘寒凜捲簾敲枕香逼幽人寢
入夢何年廬阜聞名稔風流甚阿誰題品喚作熏籠錦

前調

惜別傷離此生此會無重數故人何處還送春歸去
美酒一杯誰解歌金縷無情緒淡煙疎雨花落空庭暮

前調

香冷金爐夢回鴛帳餘香嫩更無人問一枕江南恨
消瘦休文頓覺春衫褪清明近杏花吹盡薄暮東風緊

前調

流水泠泠斷橋橫路梅枝亞雪花飛下渾似江南畫
白壁青錢欲買春無價歸來也西風平野一點香隨馬

前調

清夜沉沉暗蛩啼處簷花落乍涼簾幙香繞屏山角

趙鼎

趙鼎

朱翌

張元幹

堪恨歸鴻情似秋雲薄書難託儘教寂寞忘了前時約

前調

秋社前一日
溪光亭雨

張元幹

山暗秋雲暝鴉接翅啼榕樹故人何處一夜溪亭雨
夢入新涼只道消殘暑還知否燕將雛去又是流年度

前調

張元幹

春曉輕雷采蘋洲上清明雨亂雲遮樹黯淡江村路
今夜歸舟綠潤紅香處遙山暮畫樓何許喚取潮回去

前調

張掄

何處春來惠風初自東郊至柳條花蕊地邈爭明媚
造化難窮誰曉幽微理都來是自然天地一點沖和氣

前調

賞花

張掄

花滿名園萬紅千翠交相映畫闌幽徑行樂迷芳景
惟有幽人不與浮華競便幽靜興來獨飲花下風吹醒

前調

曾覲

璧月香風萬家簾幙煙如畫鬧蛾雪柳人似梅花瘦
行樂清時莫惜笙歌奏更闌後滿斟金斗且醉厭厭酒

前調

侯寘

約莫香來倚闌低瞰花如雪怨深愁絕瘦似年時節
歲一相逢常是匆匆別歌壺缺又還吹徹笛裏關山月

前調

曾惇

九日傳杯要攜佳客棲霞去滿城風雨記得潘郎句
紫菊紅萸何意留儂住愁如許暮煙一縷正在歸時路

前調梅

朱雍

輕豔盈盈相逢曾向寒溪路惜飄零處無計禁春雨
素影參差人在瓊城步危闌暮年光催度特地香留住

前調

辛棄疾

隱隱輕雷雨聲不受春回護落梅如許吹盡牆邊去
春水無情礙斷溪南路憑誰訴寄聲傳語沒箇人知處

前調

周必大

報荅風光滿傾瓊液休思睡亂鶯聲碎來往甘棠底
太守新詞解釋無窮意高歌起浮雲閒事渾付煙中翠

前調

周必大

秋夜乘槎客星容到天孫渚眼波微注將謂牽牛渡

見了還非重理霓裳舞雖無誤幾年一遇莫訝周郎顧

前調

姜夔

燕鴈無心太湖西畔隨雲去數峰清苦商略黃昏雨

第四橋邊擬共天隨住今何許凭闌懷古殘柳參差舞

前調

長沙送同官先歸邵武

呂勝己

滿路梅花為誰開徧春風萼短亭蕭索草草傳杯酌

送子先歸我羨遼東鶴他年約瘦藤芒屨與子同丘壑

前調

呂勝己

一葉扁舟浮家來向江邊住這回歸去作箇漁樵侶

不挂征帆也莫搖雙櫓天涯路雲山煙渚總是留人處

前調

登鄧州城樓

袁去華

樓檻凌風四邊渾是青山繞水空相照天末歸帆小

家在江南三徑都荒了何時到暗塵撲帽應被淵明笑

前調

袁去華

徙倚虛簷柳陰疎處看飛鳥水平池沼雲影閒相照

點翰舒牋字密蠅頭小還拚了路長山杳寄得愁多少

前調

塗中逢管倅

吳琚

顛顛天涯故人相遇情如故別離何遽忍唱陽關句

我是行人更送行人去愁無據寒蟬鳴處回首斜陽暮

前調

柳

趙彥端

春到垂楊嫩黃染就金絲軟麗晴新暝湧翠千山遠

為甚年年看向東風展閒情遣欲歸猶懶漁笛天將晚

前調

趙彥端

護雨烘晴紫雲縹緲來深院晚寒誰見紅杏梢頭怨
絕代佳人萬里沉香殿光風轉夢餘千片猶恨相逢淺

前調

趙彥端

瓦濕鴛鴦夜深霜重江風冷月華明映清浸梅梢粉
漏斷寒濃惹起當年恨君休問鴈飛欲盡沒箇南來信

前調

趙彥端

雪霽山橫翠濤涌起千重恨砌成愁悶那更梅花褪
鳳管雲笙無不縈方寸丁寧問淚痕羞搵界破香顚粉

前調

管鑑

去歲今朝海棠桃杏都開徧今年花晚不恨春情淺

旋旋花開圖得春長遠且留戀愛花心眼常與花為伴

前調

陸游

採藥歸來獨尋茅店沽新釀暮煙千嶂處處聞漁唱
醉弄扁舟不怕黏天浪江湖上這回疎放作箇閒人樣

前調

瀟湘漁父

張輯

來翦蓴絲江頭一陣鳴菘雨孤篷歸路吹得蘋風暮
短髮蕭蕭笑與沙鷗語休歸去玉龍嘶處邀月過南浦

前調

張輯

帶醉歸時月華猶在吹簫處曉愁情緒忘却匆匆語
客裏風霜詩鬢空如許江南去岸花迎櫓遙隔沙頭雨

前調

崇陽夜次

王炎

雨濕東風誰家燕子穿庭戶孤村薄暮花落春歸去
浪走天涯歸思縈心緒家何處亂山無數不記來時路

前調

俞灝

欲問東君為誰重到江頭路斷橋薄暮香透溪雲度
細草平沙愁入凌波步今何許怨春無語片片隨流去

前調

高觀國

天外青鸞幾時常向人間住斷歌零舞月上闌陰暮
憔悴潘郎不解為花主知何處夢雲愁雨怕向西樓去

前調

高觀國

釣月篷間載詩却向旗亭醉翠蒲陰外莫放雙鷗起
水佩仙裳灑落煙雲意來相試玉綃新製要寫蓬壺記

前調

夜過西陵橋

史達祖

山月隨人翠蘋分破秋山影釣船歸盡橋外詩心迴
多少荷花不蓋鴛鴦冷西風定可憐潘鬢偏浸秦臺鏡

前調

汪莘

數朶芙蓉嫣然一笑凌清曉謝家池沼秋景偏宜少
氣挾清霜似把羣花小秋風嫋湘君來了一曲煙波渺

前調

汪莘

曉角霜天畫簾却是春天氣小園行處雙蝶相隨至
恰向梅邊又向桃邊覩孜孜地訪蘭尋蕙誰會幽人意

前調

集句

楊澤民

雨歇方塘清圓一一風荷舉棹舟南浦忘却來時路

醉拍春衫便欲隨君去猶回顧小蠻樊素更有留人處

前調

盧炳

過眼溪山向來都是經行處驂鸞人去冷落吹簫侶
小立江亭愁對蒹葭浦無情緒酒杯慵舉閒看江楓舞

前調

吳文英

推枕南牕棟花寒入單紗淺雨簾不捲空礙調雛燕
一握柔葱香染榴巾汗音塵斷畫羅閒扇山色天涯遠

前調

吳文英

金井空陰枕痕歷盡秋聲鬧夢長難曉月樹愁鴉悄
梅壓簷花寒蝶尋香到牕黏了翠池春小波冷鴛鴦覺

前調

吳文英

時霎清明載花不過西園路嫩陰綠樹正是春留處
燕子重來往事東流去征衫貯舊寒一縷淚濕風簾絮

前調 越山見梅

吳文英

春未來時酒攜不到千巖路瘦還如許晚色天寒處
無限新愁難對風前語行人去暗消春素橫笛空山暮

前調

陳允平

看葉顰愁淚痕紅透蘭襟潤鴈聲將近須帶平安信
獨倚江樓落葉風成陣情懷悶蝶隨蜂趁滿地黃花恨

前調

陳允平

分袂情懷快風一箭輕帆舉暮煙雲浦芳草斜陽路
輸與閒鷗朝暮潮來去空凝佇小蠻樊素金屋春深處

前調

陳允平

鶯語愁春海棠風裏
燕脂雨酒杯慵舉
閒撲亭前絮
漠漠斜陽截斷
愁來路
凭闌佇滿懷
離苦分付南樓鼓

前調

訪年存叟
南漪詞隱

周密

午夢初回捲簾盡
放春愁去
晝長無侶
自對黃鸝語
絮影蘋香
春在無人處
移舟去
未成新句
一硯梨花雨

前調

芍藥

張炎

獨殿春光
此花開後
無花了
丹青人巧
不許芳心老
密影翻階
曾為尋詩到
竹西
好采香歌
杳十里紅樓小

前調

石孝友

霽景澄秋
晚風吹盡
朝來雨夕
陽煙樹
萬里山光暮

一帶長川自在流
今古人何處
月波橫素冷
浸蒹葭浦

前調

石孝友

醉倚危檣
望中歸思
生天際
山腰渚尾
幾簇漁樵市
帆落西風
一段蘆花水
八千里
錦書欲寄
新鴈曾來未

前調

方有聞

七里灘邊
江光漠漠
山如戟
漁舟一葉
徑入寒煙碧
笑我塵勞
羞對雙臺石
身如織
年年行役
魚鳥渾相識

前調

趙君舉

野岸孤舟
斷橋明月
穿流水
鴈聲嘹唳
雙落行人淚
去歲吾家
曾插黃花
醉今那是
杖藜西指
看即成千里

前調

蓮房

王茂孫

折斷煙痕翠蓬初離鴛鴦浦玉纖相妒早被專房誤
乍脫青衣猶著輕羅護多情處傷心一縷都為相思苦

前調

送李
琴泉

吳大有

江上旗亭送君還是逢君處酒闌呼渡雲壓沙鷗暮
漠漠蕭蕭香凍梨花雨添愁緒斷腸柔櫓相逐寒潮去

前調

牡丹

李銓

十二紅闌帝城穀雨初晴後粉拖香逗易惹春衫袖
把酒題詩遐想歡如舊花知否故人消瘦長憶同攜手

前調

失名
寇寺丞

春睡曾騰覺時鴛被堆香煖起來猶懶獨自情何限
深院日斜人靜花陰轉柔腸斷凭高不見芳草連天遠

前調

無名氏

燕子依依曉來總為誰歸去淡雲生處已覺賓鴻度
淺笑低顰便面機中素乘鸞女瑣牕瓊宇會有明年暑

前調

無名氏

美滿生離據鞍兀兀離腸痛舊歡新寵變作高唐夢
回首孤城依約青山擁西風送戍樓寒重初品梅花弄

前調

宋媛
舒氏

獨自臨池悶來強把闌干凭舊愁新恨耗却年時興
鷺散魚潛煙斂風初定波心靜照人如鏡少箇年時影

前調

宋媛
魏氏

波上清風畫船明月人歸後漸消殘酒獨自凭闌久

聚散匆匆此恨年年有重回首淡煙疎柳隱隱蕪城漏

前調

宋媛

李清照

蹴罷秋千起來慵整纖纖手露濃花瘦薄汗輕衣透

見有人來鞦韆刻金釵溜和羞走倚門回首却把青梅嗅

前調

李清照

寂寞深閨柔腸一寸愁千縷惜春春去幾點催花雨

倚徧闌干祇是無情緒人何處連天芳樹望斷歸來路

前調

宋媛

朱淑真

風勁雲濃暮寒無奈侵羅幙髻鬟斜掠呵手梅妝薄

少飲清歡銀燭花頻落憑蕭索春工已覺點破梅香萼

前調

晨起書所見

段克己

愛酒淵明無錢休對黃花語一杯誰舉寂寞空歸去

屋上青山山上行雲度悠然處是中真趣欲寫還無句

前調

重陽菊間小酌

李俊民

秋樹風高可憐憔悴門前柳白衣去後閒却持杯手

一笑相逢落帽年時友君知否南山如舊人比黃花瘦

前調

南齋牡丹

李俊民

花恨開遲為花遲後為花惱問花開了却恨花開早

人貌年年不似花長好還知道年年人貌却笑花先老

前調

元好問

繡佛長齋半生枉伴蒲團過酒壚橫臥一蹴虛空破

頗笑張顛自謂無人和還知麼醉鄉天大少箇神仙我

前調

元好問

醉裏春歸綠牕猶唱留春住問春何處花落鶯無語
渺渺吟懷漠漠煙中樹西樓暮一簾疎雨夢裏尋春去

前調

張弘範

春日前村一枝香徹江頭路月明風度清煞西湖句
昨夜幽歡夢裏誰呼去愁如許覺來無語青鳥啼芳樹

前調

張弘範

獨上高樓恨隨春草連天去亂山無數隔斷巫陽路
信杳梅花惆悵人何處愁無語野鴉煙樹一點斜陽暮

前調

送王蓋臣

程鉅夫

綠鬢青雲王郎故是乘驄侶阿龍風度想在烏衣住

帶得春來又共春歸去江頭路美人何處官柳吹風絮

前調

劉敏中

短夢驚回北牕一陣芭蕉雨雨聲還住斜日明高樹
起望行雲送雨前山去山如霧斷虹猶怒直入山深處

前調

送董秀才

王惲

楊柳青青玉關門外三千里秦山渭水未是銷魂地
坦臥東牀恐減風雲氣功名際願君著意莫搵春閨淚

前調

墨本水仙

詹正

縞袂啼香為誰一滴春心碎淡黃輕翠不似當時態
東洛緇塵依舊交情耐空憔悴玉人何在細雨疎煙外

前調

白樸

翠水瑤池舊游曾記飛瓊伴玉笙吹斷總作空花觀
夢裏關山淚浥羅襟滿離魂亂一燈幽幔展轉秋宵半

前調 賦野
茶蘼

蒲道源

玉蕊瓏瓏繞籬盈樹知誰種碧雲堆重化作飛瓊洞
勾挽春衫裊裊珠纓弄風微動行人飛鞚著袖清香送

前調 記夢

蕭允之

花徑相逢眼期心諾情如昨怕人疑著佯弄秋千索
知有而今何似當初莫愁難託雨鈴風鐸夢斷燈花落

前調

曾允元

一夜東風枕邊吹散愁多少數聲啼鳥夢轉紗牕曉
來是春初去是春將老長亭道一般芳草只有歸時好

前調 舟行
書見

張翥

風起雲飛蘭舟競入橫塘住惱人何處隔岸花籠霧
一水盈盈難送凌波步空相覩正如牛女隔斷銀河路

前調

劉基

昨夜三更井梧葉上聞鳴雨夢魂歸去不到思量處
為問燈花底向愁人吐花無語星河滿樹白髮三千縷

前調 鶯

楊基

何處飛來梅梢一點黃金小呀晴催曉喉舌如簧巧
春夢須臾正繞江南道空相惱被他驚覺綠徧池塘草

前調 紅白
桃

楊基

淺碧深紅是誰分染桃花片兩枝爭豔青粉牆頭見

深是娉婷淺更多嬌倩昭陽殿玉環飛燕各自東風面

前調

楊慎

雪暗江郊小燈孤館長宵半真珠醉豔凍作紅冰片
曉夢驚回畫角聲初斷南枝畔梅花開徧誰見春風面

前調

吳子孝

花信風輕為花日日芳游早曲溪繚繞歸棹情多少
日映清波良夜春寒小長空皎歌聲縹緲醉裏愁如掃

前調

吳子孝

幾日微寒霏霏小雨初晴霽青山迢遞杖屨沾嵐翠
纔試春衣暖日曛人醉禽聲碎草痕都細官柳黃金綴

前調

光澤寺

王慎中

門掩青山空庭竹影門長埽一溪斜繞水氣香花草
木石幽殊禽鳥傳昏曉誰知道白雲鎖了也有人來到

前調

壽徐松山

焦竑

軒冕文章肯教換却尊前醉脚根如繫不到長安市
若問生涯笑指深山處雲鋪翠虬龍滿地有箇松千樹

前調

送陳仲醇

王衡

濕夢沉沉芭蕉雨響燈花卸月兒來也人又隨潮下
最怕登高醉面秋風灑紅堪把茱萸看罷半刻重陽假

前調

王衡

刻燭呼盧西風乍急簷頭鐵故人深熱依舊朦朧別
山淡雲濃漸短憨兒髮楊花月溪橋雨滑坐到微鐘歇

前調 題金石齋

有箇人家子雲草閣相如壁室虛生白雲氣堆金石
經案茶牀一縷香煙織風無力牀頭樹色遮斷游人屐

陳繼儒

涼雨初晴放舟獨往游三泖寺門僧少一點鷗來攪

返入空山竹底柴門小杯兒倒燈前句好雪裏留鴻爪

前調 天池

陳繼儒

鐘鼓沉沉寺門落葉歸僧獨晚鴉初宿影亂牆頭竹

長嘯風前清籟飛空谷松如沐炊煙斷續杯底秋山綠

前調 題泖橋澄鑿寺

陳繼儒

煙水茫茫溪雲半掩堆僧屋闌干數曲窈窕藏花木

三度風吹送我來投宿西牕竹月明茶熟橘柚牆頭綠

前調 次翁公韻

施紹莘

寺枕荒塘時時白浪吞僧屋橋頭路曲廢井當枯木

如此幽閒恰好閒人宿牕敲竹酒醒茶熟天水鸚哥綠

前調 題雪圖

施紹莘

水墨江天濛濛野色微微樹儘堪題句風雪溪橋路

一點人行正在模糊處衝寒去打頭狂絮人遠天涯暮

前調 詠採蓮女

明媛 葉小鸞

粉面新妝淡紅衫子輕羅扇昨宵鄰伴來約蓮塘玩

棹泛扁舟影共蓮花亂深深見綠楊風晚空載閒愁返

前調

葉小鸞

竹徑深深流雲曉度羅幃靜雨絲幾陣滿地桐花冷
濕翠侵眉纖暈蒼苔影看無盡倚屏人映一片瀟湘景

前調

明媛 張引元

時節朱明暖風初入芭蕉院歸期日盼鬆盡黃金釧
病起南樓愁靚將雛燕無由見白雲瞻戀十二闌干徧

御選歷代詩餘卷五

御選歷代詩餘卷六目錄四十二字

浣溪沙上

韓偓

張曙

南唐李璟

南唐李煜

韋莊二首

薛昭蘊四首

毛文錫

歐陽炯二首

顧夔

閻選

毛熙震 二首

李珣 二首

孫光憲 五首

張泌 二首

晏殊 五首

歐陽修 六首

晏幾道 十二首

張先 二首

蘇軾 十四首

黃庭堅 二首

秦觀 三首

晁補之

賀鑄 十首

毛滂 十二首

李元膺

舒亶 三首

趙令時 四首

米芾

蘇庠

周邦彥 六首

曹組

陳克

向子諲

蔡伸

葉夢得

趙師俠

趙鼎

朱敦儒

曾覲

曾惇

辛棄疾

六首

御選歷代詩餘卷六目錄

Blank columns for text on the right page.

御選歷代詩餘卷六 四十二字

司經局洗馬掌局事兼翰林院修撰加二級臣王奕清奉

旨校刊

浣溪沙 上

沙或作紗或名浣紗溪一名小庭花一名滿院春一名廣寒秋一名霜菊黃一名踏花天雙調四十二字

浣溪沙

韓偓

宿醉離愁慢髻鬟六銖衣薄惹輕寒慵紅悶翠掩青鸞
羅韞況兼金菡萏雪肌仍是玉琅玕骨香腰細更沉

檀

前調

張曙

枕障熏爐冷繡幃二年終日苦相思杏花明月爾應知

天上人間何處去舊歡新夢覺來時黃昏微雨畫簾垂

前調

南唐李璟

風壓輕雲貼水飛乍晴池館燕爭泥沈郎多病不勝衣
沙上未聞鴻鴈信竹間時聽鷓鴣啼此情惟有落花知

前調

南唐李煜

轉燭飄蓬一夢歸欲尋陳迹悵人非天教心願與身違
待月池臺空逝水蔭花樓閣漫斜暉登臨不惜更沾衣

前調

韋莊

惆悵夢餘山月斜孤燈照壁背牕紗小樓高閣謝孃家
暗想玉容何所似一枝春雪凍梅花滿身香霧簇朝霞

前調

韋莊

夜夜相思更漏殘傷心明月凭闌干想君思我錦衾寒
咫尺畫堂深似海憶來惟把舊書看幾時攜手入長安

前調

薛昭蘊

粉上依稀有淚痕郡庭花落欲黃昏遠情深恨與誰論
記得去年寒食日延秋門外卓金輪日斜人散暗銷魂

前調

握手河橋柳似金蜂鬚輕惹百花心蕙風蘭思寄清琴
意滿便同春水滿情深還似酒杯深楚煙湘月兩沉
沉

薛昭蘊

前調

江館清秋纜客船故人相送夜開筵麝煙蘭燄簇花鈿
正是斷魂迷楚雨不堪離恨咽湘絃月高霜白水連
天

薛昭蘊

前調

紅蓼灘頭秋正涼印沙鷗跡自成行整鬟飄袖野風香
不語含顰深浦裏幾回愁煞棹船郎燕歸帆盡水茫
茫

薛昭蘊

茫

前調

毛文錫

七夕年年信不違銀河清淺白雲微蟾光鵲影伯勞飛
每恨蟪蛄憐婺女幾回嬌妒下鴛機今宵嘉會兩依
依

前調

歐陽炯

天碧羅衣拂地垂美人初著更相宜宛風如舞透香肌
獨坐含顰吹鳳竹園中緩步折花枝有情無力泥人
時

前調

歐陽炯

落絮殘鶯半日天玉柔花醉只思眠惹牕映竹滿爐煙

獨掩畫屏愁不語斜敲瑤枕髻鬟偏此時心在阿誰邊

前調

顧夙

紅藕香寒翠渚平月籠虛閣夜蛩清塞鴻驚夢兩牽情
寶帳玉爐殘麝冷羅衣金縷暗塵生小牕孤燭淚縱橫

前調

閻選

寂寞流蘇冷繡茵倚屏山枕惹香塵小庭花露泣濃春
劉阮信非仙洞客姮娥終是月中人此生無路訪東鄰

前調

毛熙震

春暮黃鶯下砌前水晶簾影露珠懸綺霞低映晚晴天
弱柳萬條垂翠帶殘紅滿地碎香鈿蕙風飄蕩散輕煙

前調

毛熙震

雲薄羅裾綬帶長滿身新裊瑞龍香翠鈿斜映豔梅妝
佯不覩人空婉約笑和嬌語太猖狂忍教牽恨暗形相

前調

李珣

晚出閒庭看海棠風流學得內家妝小釵橫戴一枝芳
琢玉梳斜雲鬢膩縷金衣透雪肌香暗思何事立殘陽

前調

李珣

紅藕花香到檻頻，
可堪閒憶似花人。
舊歡如夢絕音塵。
翠疊畫屏山隱隱，
冷鋪紋簟水粼粼。
斷魂何處一蟬新。

前調

孫光憲

蓼岸風多橘柚香，
江邊一望楚天長。
片帆煙際閃孤光。
目送征鴻飛杳杳，
思隨流水去茫茫。
蘭紅波碧憶瀟湘。

前調

孫光憲

蘭沐初休曲檻前，
暖風遲日洗頭天。
濕雲新斂未梳蟬。
翠袂半將遮粉臆，
寶釵長欲墜香肩。
此時模樣不禁憐。

憐

前調

孫光憲

風遞殘香出繡簾，
團窠金鳳舞檐檐。
落花微雨恨相兼。
何處去來狂太甚，
空推宿酒睡無厭。
爭教人不別猜嫌。

前調

孫光憲

輕打銀箏墜燕泥，
斷絲高罨畫樓西。
花冠閒上午牆啼。
粉籜半開新竹徑，
紅苞落盡舊桃蹊。
不堪終日閉深閨。

前調

孫光憲

烏帽斜欹倒佩魚，
靜街偷步訪仙居。
隔牆應認打門初。

將見客時微掩斂得人憐處且生疎低頭羞問壁間書

前調

張泌

鈿轂香車過柳堤樺煙分處馬頻嘶為他沉醉不成泥
花滿驛亭香露細杜鵑聲斷玉蟾低含情無語倚樓西

前調

張泌

馬上凝情憶舊游照花淹竹小溪流鈿箏羅幕玉搔頭
早是出門長帶月可堪分袂又經秋晚風斜日不勝愁

前調

晏殊

一曲新詞酒一杯去年天氣舊亭臺夕陽西下幾時迴
無可奈何花落去似曾相識燕歸來小園香徑獨徘徊

迴

前調

晏殊

紅蓼花香夾岸稠綠波春水向東流小船輕舫好追遊
漁父酒醒重撥棹鴛鴦飛去却回頭一杯消盡兩眉愁

愁

前調

晏殊

小閣重簾有燕過晚花紅片落庭莎曲闌干影入涼波
一霎好風生翠幙幾回疎雨滴圓荷酒醒人散得愁

多

前調

宿酒纔醒厭玉卮水沉香冷嬾熏衣早梅先綻日邊枝
寒雪寂寥初散後春風悠颺欲來時小屏閒放畫簾
垂

晏殊

前調

晏殊

楊柳陰中駐彩旌芰荷香裏勸金觥小詞流入管絃聲
只有醉吟寬別恨不須朝暮促歸程雨條煙葉繫人
情

前調

歐陽修

湖上朱橋響畫輪溶溶春水浸春雲碧琉璃滑淨無塵
當路游絲紫醉客隔花啼鳥喚行人日斜歸去奈何

春

前調

歐陽修

紅粉佳人白玉杯木蘭船穩棹歌催綠荷風裏笑聲來
細雨輕煙籠草樹斜橋曲水遶樓臺夕陽高處畫屏
開

前調

歐陽修

二月春光厭落梅仙源歸路碧桃催渭城絲雨勸離杯
歡意似雲真薄倖客鞭搖柳正多才鳳樓人待錦書
來

前調

歐陽修

堤上游人逐畫船拍堤春水四垂天綠楊樓外出秋千

白髮戴花君莫笑六么摧拍盞頻傳人生何處似尊

前

前調 秋千

歐陽修

雲曳香絲綵柱高絳旗風颭出花梢一梭紅帶往來拋
東素美人羞不打却嫌裙慢褪纖腰日斜深院影空
搖

前調

歐陽修

香靨凝羞一笑開柳腰如醉暖相挨日長人困下樓臺
照水有情聊整鬢倚闌無語更兜鞵眼邊牽恨懶歸
來

前調

晏幾道

臥鴨池頭小苑開暄風吹盡北枝梅長莎軟路幾縈回
靜選綠陰鶯有意漫隨游騎絮多才去年今日憶同
來

前調 柳

晏幾道

二月風和到碧城萬條千縷綠相迎舞煙弄日過清明
妝鏡巧看偷葉樣歌臺妍曲借枝名晚秋霜霰莫無
情

前調

晏幾道

白紵春衫楊柳鞭碧蹄驕馬杏花韉落英飛絮冶游天
南陌暖風吹舞榭東城涼月照歌筵賞心多是酒中

仙

前調

已拆鞦韆不奈閒却隨蝴蝶到花間旋尋雙葉插雲鬢
幾褶湘裙煙縷細一鈎羅韞素蟾彎綠牋紅豆憶前
歡

晏幾道

前調

團扇初隨碧簟收畫簾歸燕尚遲留靨朱眉翠喜清秋
風意未應迷狹路燈痕猶自記高樓露花煙葉與人
愁

晏幾道

前調

唱得紅梅字字香柳枝桃葉盡深藏過雲聲裏送離觴
纔聽便拚衣袖濕欲歌先倚黛眉長曲終敲損燕釵

晏幾道

梁

前調

小杏春聲學浪仙疎梅清唱替哀絃似花如雪繞瓊筵
顚粉月痕妝罷後臉紅蓮豔酒醒前今年新調得人
憐

晏幾道

前調

浦口蓮香夜不收水邊風裏欲生秋棹歌聲細不驚鷗
涼月送歸思往事落英飄去起新愁可堪題葉寄東
樓

晏幾道

前調

銅虎分符領外臺五雲深處彩旌來春隨紅旆過長淮

晏幾道

千里袴襦添舊暖萬家桃李間新栽使星回首是三

前調

晏幾道

翠閣朱闌倚處危夜涼閒捻彩簫吹曲中雙鳳已分飛
綠酒細傾消別恨紅牋小寫問歸期月華風意似當

時

前調

晏幾道

午醉西橋夕未醒雨花淒斷不堪聽歸時應減鬢邊青
衣化客塵今古道柳含春意短長亭鳳樓爭見路傍

情

前調

晏幾道

家近旗亭酒易沽花時常得醉工夫伴人歌笑嬾妝梳
戶外綠楊春繫馬牀前紅燭夜呼盧相逢不解有情

無

前調

張先

樓倚江邊百尺高暮煙收處見歸橈幾時期信似春潮
花片片飛風弄葉柳陰陰下水平橋日長人去又經

宵

前調

張先

水滿池塘花滿枝亂香深處語黃鸝東風輕軟弄簾幃
日正長時春夢短燕交飛處柳煙低玉牕紅子鬪碁

時

前調

蘇軾

學畫鴟兒正妙年陽城下蔡困嫣然憑君莫唱短姻緣
霧帳吹笙香嫋嫋霜庭按舞月娟娟曲終紅袖落雙

纏

前調

蘇軾

晚菊花前斂翠蛾按花傳酒緩聲歌柳枝團扇別離多
擁髻淒涼論舊事曾隨織女度銀梭當年今夕奈愁

何

前調

蘇軾

風捲珠簾自上鉤蕭蕭亂葉報新秋獨攜纖手上高樓
缺月向人舒窈窕三星當戶照綢繆香生霧縠見纖

柔

前調

蘇軾

覆塊青青麥未蘇江南雲葉暗隨車臨臬煙景世間無
雨脚半收簷斷綫霜林初下瓦跳珠歸來冰顆亂黏

鬚

前調

蘇軾

菊暗荷枯一夜霜新苞綠葉照林光竹籬茅舍出青黃
香霧啜人驚半破清泉流齒怯初嘗吳姬三日手猶

香

前調

蘇軾

旋抹紅妝看使君三三五五棘籬門相挨踏破茜羅裙

昏
老幼扶攜收麥社烏鳶翔舞賽神村道逢醉叟臥黃

前調

蘇軾

簌簌衣巾落棗花村南村北響縑車牛衣古柳賣黃瓜
酒困路長惟欲睡日高人渴漫思茶敲門試問野人

前調

蘇軾

明
道字嬌訛苦未成未應春閣夢多情朝來何事綠鬟傾
綵索身輕長趁燕紅牕睡重不聞鶯困人天氣近清

前調

蘇軾

新
羅韞空飛洛浦塵錦袍不見謫仙人攜壺藉草亦天真
玉粉輕黃下歲藥雪花浮動萬家春醉歸江路野梅

前調

蘇軾

歡
細雨斜風作曉寒澹煙疎柳媚晴灘入淮清路漸漫漫
雪沫乳花浮午盞蓼芽蒿笋試春盤人間有味是清

前調

徐州藏春閣

蘇軾

籠
慚媿今年二麥豐千畦翠浪舞晴空化工餘力染天紅
歸去山公應倒載攔街拍手笑兒童甚時名作錦熏

前調 揚州賞芍藥櫻桃

蘇軾

芍藥櫻桃兩鬪新名園高會送芳辰
洛陽初夏廣陵春
紅玉半開菩薩面丹砂穠點柳枝脣
尊前還有箇中人

前調 方響

蘇軾

花滿銀塘水漫流犀槌玉板奏涼州
順風環珮過秦樓
遠漢碧雲輕漠漠今宵人在鵲橋頭
一聲敲徹絳河秋

前調 端午

蘇軾

入袂輕風不破塵玉簪犀壁醉佳辰
一番紅粉為誰新
團扇只堪題往事新絲那解繫行人
酒闌滋味似殘

春

前調

黃庭堅

飛鵲臺前暈翠蛾千金新買帝青螺
最難如意為情多
幾處淚痕留翠袖一春愁思近橫波
遠山低盡不成

歌

前調 漁父

黃庭堅

新婦磯頭睂黛愁女兒浦口眼波秋
驚魚錯認月沉鈎
青箬笠前無限事綠蓑衣底一時休
斜風細雨轉船頭

頭

前調

秦觀

漠漠輕寒上小樓曉陰無賴似窮秋
澹煙流水畫屏幽

自在飛花輕似夢無邊絲雨細如愁寶簾閒挂小銀鈎

前調

秦觀

錦帳重重捲暮霞屏風曲曲鬪紅牙恨人何事苦離家
枕上夢魂飛不去覺來紅日又西斜滿庭芳草襯殘花

前調

秦觀

青杏園林煮酒香佳人初試薄羅裳柳絲搖曳燕飛忙
乍雨乍晴花易老閒愁閒悶日偏長為誰消瘦減容光

前調 廣陵被召留別

晁補之

帳飲都門春浪驚東飛身與白鷗輕淮山一點眼初明
誰使夢回蘭芷國却將春去鳳凰城檣烏風轉不勝情

前調

賀鑄

金斗城南載酒頻東西飛觀跨通津漾舟聊送雨餘春
桃李趣行無算酌桑榆收得自由身酣歌一曲太平人

前調

賀鑄

落日逢迎朱雀街共乘青舫度秦淮笑拈飛絮買金釵
洞戶華燈歸別館碧梧紅藥掩蕭齋願隨明月入君懷

前調

舊說山陰禊事修漫書繭紙敘清游吳門千載更風流
遶郭煙花連茂苑滿船絲竹載涼州一標爭勝錦纏頭

賀鑄

前調

賀鑄

閒抱琵琶舊譜尋四絃聲怨却沉吟燕飛人靜畫堂陰
敲枕有時成雨夢隔簾無處說春心一從燈夜到如今

前調

賀鑄

秋水斜陽遠綠陰平山隱隱隔橫林幾家村落幾聲砧
記得西樓凝醉眼昔年風物似如今只無人與共登臨

臨

前調

賀鑄

煙柳春梢蘸暈黃井欄風綽小桃香覺時簾幙又斜陽
望處定無千里眼斷來能有幾回腸少年禁取恁淒涼

涼

前調

賀鑄

鼓動城頭啼暝鴉過雲時送雨些些嫩涼如水逗牕紗
弄影西廂侵戶月分香東畔拂牆花此時相望抵天涯

涯

前調

賀鑄

樓角紅銷一鏤霞澹黃楊柳帶栖鴉玉人和月折梅花

笑撚粉香歸繡戶半垂羅幙護牕紗東風寒似夜來
些

前調

賀鑄

鸚鵡驚人促下簾碧紗如霧隔香奩雪兒窺鏡晚蛾纖
烏鵲橋邊河絡角鴛鴦樓外月西南門前嘶馬弄金
銜

前調

賀鑄

宮錦袍熏水麝香越紗裙染鬱金黃薄羅依約見明妝
繡陌不逢攜手伴綠牕誰是畫眉郎春風十里斷人

腸

前調

毛滂

銀字笙簫小小童梁州吹過柳橋風阿誰勸我玉杯空
小醉何須眠錦瑟夜歸不用照紗籠畫船簾捲月明
中

前調

宴太守
張內翰

毛滂

碧霧朦朧鬱寶熏和風搖曳舞簾旌花間千騎兩朱輪
金馬天才文作錦玉堂仙骨氣如冰湖山何似使君

清

前調

新春
微雪

毛滂

謝女清吟壓郢樓樓前風轉柳花毬學成舞態却多羞
半落瓊瑤天又惜稍侵桃李蝶應愁酒家先當翠雲
裘

前調

仲冬見花
塢櫻桃花

毛滂

小圃韶光不待邀
早通消息與含桃
晚來芳意半寒梢
含笑不言春淡淡
試妝未徧雨蕭蕭
東家小女可憐嬌

前調

上元游
靜林寺

毛滂

花市東風卷笑聲
柳溪人影亂于雲
梅花何處暗香聞
露濕翠雲裘上月
燭搖紅錦帳前
春瑤臺有路漸無塵

前調

尉圃
觀梅

毛滂

曾向瑤臺月下逢
為誰回首矮牆東
春風吹酒退顚紅
庾嶺殷勤通遠信
梅花瀟灑有仙風
晚香多在玉杯

中

前調

寒食初
晴對酒

毛滂

小雨初收蝶做團
和風輕拂燕泥乾
秋千院落落花寒
莫對清尊追往事
更催新火續餘歡
一春心緒倚闌干

前調

寒食初晴
見牡丹

毛滂

魏紫姚黃欲占春
不教桃杏見清明
殘紅吹盡恰纔晴
芳草池塘新漲綠
官橋楊柳半拖青
秋千院落管絃聲

前調

武康
社日

毛滂

碧戶朱牕小洞房
玉醅新壓嫩鵝黃
半青橙子可憐香

風露滿簾清似水
笙簧一片醉為鄉
芙蓉繡冷夜初長

前調

毛滂

本是青門學灌園
生涯渾在亂山前
一犁春雨種瓜田
別後倩雲遮鶴帳
來時和月寄漁船
傍人莫做長官看

前調

毛滂

煙柳風蒲冉冉斜
小牕不用著簾遮
載歸山影轉灣沙
略約斷時分岸色
蜻蜓立處過汀花
此情此水共天涯

前調

毛滂

灩灩金波暖做春
疎疎煙柳瘦于人
柳邊半醉不勝情
未解畫船閒待月
緩歌金縷細留雲
將雲帶月入東門

前調

李元膺

飲散蘭堂月未中
驂騑簇絳紗籠玳簪
促坐客從容
已醉人間千日酒
賜來天上密雲龍
蓬山清興欲乘風

前調

舒亶

燕外青樓已禁煙
小寒猶自薄勝絲
畫橋紅日下鞦韆
惟有尊前芳意在
應須沉醉倒花前
綠牕還是五更天

前調

金縷歌殘紅燭稀梁州舞罷小鬟垂酒醒還是獨歸時
畫棟日高來語燕綺牕風暖度游絲幾多綠葉上青
枝

舒 亶

前調

對基

黑白紛紛小戰爭幾人心手鬪縱橫誰知勝處本無情
謝傅老來思別墅杜郎閒去憶鏖兵何妨談笑下聊
城

舒 亶

前調

趙令時

槐柳春餘綠漲天酒旗高插夕陽邊誰家牆裏笑鞦韆
往事不堪樓上看新愁多向曲中傳此情銷得是何

年

前調

趙令時

少日懷山老住山一官休務得身閒幾年食息白雲間
似我樂來真是少見人忙處不相關養真高靜出塵
寰

前調

王晉卿筵上

趙令時

風急花飛晝掩門一簷殘雨滴黃昏便無離恨也銷魂
翠被任熏終不暖玉杯慵舉幾番温箇般情事與誰

論

前調

劉平叔家妓

趙令時

穩小弓鞦三寸羅歌脣清韻一櫻多燈前秀豔總橫波

後進屋不言食
指下鳴琴清香渺掌中回旋小婆婆娉明朝歸路奈情

何

前調

米芾

日射平溪玉宇中雲橫遠渚岫重重野花猶向澗邊紅
靜看沙頭魚入網閒支藜杖醉迎風小春天氣惱人

濃

前調

題畫

蘇庠

水榭風微玉枕涼牙牀角簟藕花香野塘煙雨罩鴛鴦
紅蓼渡頭青嶂遠綠蘋波上白鷗雙淋浪淡墨水雲

鄉

前調

周邦彥

翠葆參差竹徑成新荷跳雨碎珠傾曲闌斜轉小池亭
風約簾衣歸燕急水搖扇影戲魚驚柳梢殘日弄微

晴

前調

周邦彥

日射敲紅蠟帶香風乾微汗粉襟涼碧綃對捲簾紋光
自翦柳枝明畫閣戲拋蓮葯種橫塘長亭無事好思

量

前調

周邦彥

爭挽桐花兩鬢垂小妝弄影照清池珠簾踏鞵趁蜂兒
跳脫添金雙腕重琵琶破撥四絃悲夜寒誰肯翦春

衣

前調

雨過殘紅濕未飛
疎籬一帶透斜暉
游蜂釀蜜竊香歸
金屋無人風竹亂
玉篝盡日水沉微
一春須有憶人時

周邦彥

前調

水漲魚天拍柳橋
雲鳩拖雨過江皋
一番春信入東郊
閒碾鳳團消短夢
靜看燕子壘新巢
又移日影上花梢

周邦彥

前調

小院閒窗春色深
重簾未捲影沉沉
倚樓無語理瑤琴
遠岫出雲催薄暮
細風吹雨弄輕陰
梨花欲謝恐難禁

周邦彥

禁

前調

柳絮池臺淡淡風
碧波花嶼小橋通
雲連麗宇倚晴空
芳草綠楊人去住
短牆幽徑燕西東
攀條弄蕊得從容

曹組

前調

淺畫香膏拂紫絛
牡丹花重翠雲偏
手接梅子並香肩
病起心情終是怯
倦來體態不勝憐
旋移鍼線小姑前

陳克

前調

璧月光中玉漏清
小梅疎影水邊明
似梅人醉月西傾

向子諲

梅欲黃時朝暮雨月重圓處短長亭舊愁新恨若為情

前調 五月西湖

蔡伸

雙鳳雷文拂手香青紗衫子澹梳妝冰姿綽約自生涼
虛掉玉釵驚翡翠緩移蘭棹趁鴛鴦鬢鬟風亂綠雲長

前調 重陽

葉夢得

小爾初回昨夜涼繞籬新菊已催黃碧雲無際卷蒼茫
千里斷鴻供遠目十年芳草挂愁腸緩歌聊與送清觴

前調

趙師俠

雪絮飄池點綠漪舞風游漾燕交飛陰陰庭院日遲遲
一縷水沉香散後半甌新茗味回時脩閒萬事總忘機

前調

趙鼎

豔豔春嬌入眼波勸人金盞緩笙歌不禁粉淚搵香羅
暮雨朝雲相見少落花流水別離多寸腸爭奈此情何

前調

朱敦儒

雨濕清明煙火殘碧溪橋外燕泥寒日長獨自倚闌干
脫箠修篁初散綠褪花新杏未成酸江南春好與誰看

前調

櫻桃

曾覲

穀雨郊園喜弄晴滿林璀璨綴繁星筠籃新採絳珠傾
樊素扇邊歌未發葛洪爐內藥初成金盤乳酪齒流
冰

前調

曾惇

無數春山展畫屏無窮煙柳照溪明花枝缺處小舟橫
紫禁正須紅藥句清江莫與白鷗盟主人元自是仙
卿

前調

辛棄疾

北壟田高踏水頻西溪禾早已嘗新隔牆沽酒煮纖鱗
忽有微涼何處雨更無留影霎時雲賣瓜人過竹邊

村

前調

辛棄疾

寸步人間百尺樓孤城春水一沙鷗天風吹樹幾時休
突兀趁人山石很朦朧避路野花羞人家平水廟東
頭

前調

辛棄疾

歌串如珠个个匀被花勾引笑和顰向來驚動畫梁塵
莫倚笙歌多樂事相看紅紫又拋人舊巢還有燕泥
新

前調

辛棄疾

梅子生時到幾回桃花開後不須猜重來松竹意徘徊

御選歷代詩餘 卷六
慣聽禽聲應可譜飽觀魚陣已能排晚風挾雨喚歸來

前調

辛棄疾

不世孤芳肯自媒直須詩興與推排不然喚起酒邊來
自有陶潛方有菊若無和靖即無梅祇今何處向人
開

前調

辛棄疾

臺倚崩崖玉滅痕青山却作捧心顰遠林煙火幾家村
引入滄浪魚得計展成寥闊鶴能言幾時高處見層
軒

御選歷代詩餘卷六

御選歷代詩餘卷七目錄四十二字

浣溪沙下

范成大五首

陳三聘四首

黃公度

張孝祥二首

程垓二首

朱熹

洪适

曹冠

吳儆四首

管鑑

陸游

楊炎

劉鎮

鄭域

韓澆 二十首

汪莘

方岳

楊澤民

吳文英

陳允平 七首

周密 三首

張炎 二首

石孝友 四首

張桂

張槃

楊彥齡

陳德武

薛夢桂

毛珣

趙君舉

江開

何夢桂 二首

李彭老

無名氏

李清照 五首

李氏

朱淑真 二首

珍娘

慕容崑卿妻

劉仲尹 三首

趙可 二首

王礪

李獻能

趙孟頫

詹正

顏奎

宋聚

邵亨貞

劉基 七首

楊基 五首

湯公讓

張縉

于儒穎

施紹莘 二首

夏復

錢繼登

錢繼章

馮鼎位 三首

王鳳嫺

沈宜修

葉小紈

葉小鸞 三首

周蘭秀

前調 又一體

南唐李煜

御選歷代詩餘卷七目錄

風

前調 新安驛席
上留別

范成大

送盡殘春更出遊
風前蹤跡似沙鷗
淺斟低唱小淹留
月見西樓清夜醉
雨添南浦綠波愁
有人無計戀行舟

前調 元夕後
三日

范成大

寶髻雙雙出綺叢
妝光梅影各春風
收燈時候却相逢
魚子棧中詞婉轉
龍香撥上語玲瓏
明朝車馬莫西東

前調

范成大

紅錦障泥杏葉韉
解鞍呼渡憶當年
馬驕不肯上航船

茅店竹籬開蔗市
絳裙青袂斲薑田
臨平風物故依然

前調

陳三聘

酒力先從臉暈生
粉妝新麗笑相迎
曉寒高護彩雲輕
不語似愁春力淺
有情應恨燭花明
更于何處覓傾城

前調

陳三聘

翠幕遮籠錦一叢
樽前初見淺深紅
淡雲和月影葱籠
醉態只疑春睡裏
啼妝愁聽雨聲中
更燒銀燭醉東風

前調

陳三聘

不怕春寒更出遊
蘭橈飛動却驚鷗
煙光佳處輒遲留
屏曲未曾歌
醉夢眉尖空只鎖
閒愁從教絲柳絆行舟

前調

陳三聘

點檢尊前花影叢
于中偏占牡丹風
等閒言語慣迎逢
扇影不搖珠的皪
釵梁斜擲玉玲瓏
夢魂長向楚江東

前調

梅

黃公度

風送清香過短牆
煙籠晚色近修篁
夕陽樓外角聲長
欲去還留無限思
輕勻淡抹不成妝
一樽相對月生涼

前調

張孝祥

行盡瀟湘到洞庭
楚天闊處數峰青
旗梢不動晚風平
紅蓼一灣紋纈亂
白魚雙尾玉刀明
夜涼船影浸疎星

前調

瑞香

張孝祥

臘後春前別一般
梅花枯淡水仙寒
翠雲裘著紫霞冠
妙品只今推第一
寶香原不自人間
為君更酌小龍團

前調

程垓

薄日移陰午暑空
一杯何事便潮紅
扇紈揮盡却疎慵
早睡情懷冰枕外
夜涼消息雨荷中
不須留燭眩房

櫛

前調

程垓

翠葆扶疎傍藥闌亂飄綠沼滿書單清明時節又看看
小雨勒成春尾恨東風偏作夜來寒琴心老盡不須
彈

前調

醉醺

朱熹

壓架年來雪作堆珍叢也是近移栽肯令容易放春回
却恐陰晴無定數從教紅白一時開多情蜂蝶早飛
來

前調

錢范子芬

洪适

整頓春衫欲跨鞍一杯相屬少開顏愁蛾不似舊時彎

山

未見兩星添柳宿忍教三疊唱陽關相思空望會稽

前調

柳

曹冠

翠帶千條蘸碧流多情不解繫行舟章臺惜別恨悠悠
濕雨傷春眉黛斂倚風無力舞腰柔絲絲煙縷織離
愁

前調

題星洲寺

吳儆

十里青山沂碧流夕陽沙晚片帆秋重重煙樹出層樓
人去人來芳草渡鷗飛鷗沒白蘋洲碧梧翠竹記曾
遊

前調

吳儆

飲浦錢塘一水通閒雲如幙碧重重吳山應在碧雲東
無力海棠風淡蕩困眠宮柳日蔥蘢眼前春色爲誰
濃

前調 題餘干
傳舍

吳 儆

畫楯朱闌繞碧山平湖徙倚水雲寬人家楊柳帶汀灣
目力已隨飛鳥盡機心還逐白鷗閒蕭蕭微雨晚來
寒

前調 和鎮遠
樓韻

吳 儆

斜照波間濕嫩紅朱闌翠袖倚輕風平山山色有無中
俛首微官真自縛高飛遠舉羨冥鴻何時一艇大江
東

前調

管 鑑

十日狂風特地晴天工著意送行人負他桃李十分春
杜宇已催歸思亂啼鶯休惹客愁新晚風溪路淨無
塵

前調

陸 游

謾向寒爐醉玉瓶喚君同賞小窗明夕陽吹角最關情
忙日苦多閒日少新愁常續舊愁生客中無伴怕君
行

前調

楊 炎

楊柳籠煙裊嫩黃桃花蘸水染紅香薄羅衫子日初長
飲盡東風三百盞醉來愁斷幾回腸教人獨自遣風

光

前調 丁亥餞元宵

劉鎮

簾幕收燈斷續紅歌臺人散綵雲空夜寒歸路噤魚龍
宿醉未消花市月芳心已逐柳塘風丁寧鶯燕莫匆

前調

鄭域

酒薄愁濃睡不成夜長敲枕數殘更嫩寒時節過燒燈
已自孤鸞羞對鏡未能雙鳳怕聞笙莫教吹作別離
聲

前調 夜飲中明小軒

韓澆

一曲青山映小池林疎人靜月明時相逢杯酒也相宜

飛

醉眼不知春事少歡情猶得漏聲遲神仙何處夢魂

前調

韓澆

寶鴨香銷酒未醒錦衾春暖夢初驚鬢雲撩亂玉釵橫
半怯夜寒寒繡幌尚餘嬌困剔銀燈粉痕微褪臉霞
生

前調 夜飲聽歌

韓澆

山
小雨收晴作社寒月橋花院篆香殘杏腮桃臉黛眉彎
歌拂燕梁牽客恨醉臨鸞鏡怕人看良宵春夢遶屏

前調 題美人書卷

韓澆

後通歷代詩餘 卷七
六
一曲霓裳舞未終玉釵垂額髻雲鬆夢回金殿月華東
燕子鶯兒情脈脈柳枝桃葉恨匆匆羅襟空惹御香
濃

前調

韓 澆

芍藥酴醿滿院春門前楊柳媚晴曛重簾雙燕語沉沉
花映綠嬌初日嬾葉棲紅小晚煙昏輕雷不覺送微
陰

前調

韓 澆

一曲西風醉木犀天香吹夢入瑤池釵橫猶記未開枝
花重嬾舒紅笑臉葉稀輕拂翠顰眉酒醒殘月鴈聲
遲

前調

韓 澆

山氣吹雲寶月涼園林承露菊花黃吾生只合醉爲鄉
悵望佳人因共賦分明佳節是重陽酒邊猶發少年
狂

前調

韓 澆

莫問星星鬢染霜一杯同看月昏黃放歌漁父濯滄浪
却憶手栽雙柳句真成雲漢挾天章蘇仙何在立蒼
茫

前調

過廬
申之

韓 澆

梅葉陰陰占晚春博山香燼玉嶙峋茶甌酒椀試濡脣
閒裏常愁無伴侶老來不是有情人牡丹天氣惜芳

辰

前調

韓 澆

買得船兒去下湖這些天氣近來無清和風裏綠陰初
酒不為渠閒放蕩詩應嫌我太麤疎酒徒詩社復何
如

前調

韓 澆

錦瑟瑤琴續斷絃璧堂初過牡丹天玉鈎斜壓小珠簾
睡鴨爐温吟散後雙鴛屏掩酒醒前一番春事怨啼
鴉

前調

韓 澆

春入疎絃調外聲雪雲初霽帶湖清屏温香軟綺窗深

山倚虛寒情澹澹水流輕淺韻泠泠斷魂醒處夢難
憑

前調十六夜

韓 澆

荆楚誰言鏡聽詞燭花影動畫簷低燒燈天氣醉為期
雨濕杏腮疑簌簌風迷柳眼半傲傲小山西路板橋

西

前調

韓 澆

分付心情作上元不知投老在林泉誰將邨酒勸觥船
月影靜搖風柳外霜華寒浸雪梅邊醉敲烏帽忽醒
然

前調

韓 澆

宋玉悲秋合反騷陶潛把菊任持醪山遥遥外水蕭蕭
夢不到時詩自在興難忘處恨全消香沉沉裏蕊飄

飄

前調 沙溪小飲

韓 澆

一抹青山拍岸溪麥雲將過笋初齊不知何處水流西
小閣路頭吾欲醉短篷船底客同攜酒邊華髮更題

詩

前調

韓 澆

水遶孤邨客路賒一樓風雨角巾斜舉觴無復問煎茶
夜靜曲聲初噴竹酒深燭影細吹花明朝飛鷺起圓

沙

前調 寄李叔謙

韓 澆

綵筆新題字字香鴈來時候燕空梁芙蓉無處著秋光
人遠山長言外意曲傳書恨醉時妝倩誰閒寄水雲

鄉

前調 茉莉

韓 澆

滴滴瓊英發翠綃江梅標韻木香嬌乍涼時候鴈聲遙
欲縮鬢絲妝未了半回身分曲初招霓裳依約夢魂

飄

前調 小集澗亭

韓 澆

雨閣雲流小院秋半醺涼意不關愁一番相見一番休
淡佇乍持盃未淺嬾歌纔罷笑初收主賓無處著綢

繆

前調 九日

汪莘

青女催人兩鬢霜自筓白酒作重陽方壺老子莫淒涼
天地兩三蝴蝶夢古今多少菊花香只將破帽送秋
光

前調 趙閣學餉蟾
蛭酒春螺

方岳

半殼含潮帶靨香雙螯嚼雪迸臍黃蘆花洲渚夜來霜
短棹秋江清到底長頭春甕醉為鄉風流不枉與詩
嘗

前調 水仙

楊澤民

仙子何年下太空凌波微步笑芙蓉水風殘月助惺忪

紅
鬢弟梅兄都在眼銀臺金琰正當胸為伊一醉酒顏

前調

吳文英

曲角深簾隱洞房正嫌玉骨易愁黃好花偏占一秋香
夜氣清時初傍枕曉光分處未開牕可憐人似月中

霜

前調

陳允平

自別蕭郎錦帳寒鳳樓日日望平安杏花枝上露纔乾
眉皺但嫌鈿翠墮臂銷惟覺釧金寬薄情楊柳殢征

鞍

前調

陳允平

御製蘇詩餘

浣溪沙

一枕華胥夢不成碧甯香潤玉醪傾日長花影過池亭
雪藕臂寒鸚較怯採菱歌發鷺頻驚白蘋洲上雨初
晴

前調

陳允平

鬪鴨闌干燕子飛一堤春水漾晴暉女郎何處踏青歸
生色鞦兒銷鳳穩碧羅衫子唾花微後期應待牡丹
時

前調

陳允平

六幅蒲帆曉渡平一江星斗漸西傾離家纔是兩三程
酒外野花如喚客樹頭春鳥自呼名五雲深處錦官
城

前調

陳允平

柳底征鞍花底車兩行香淚濕紅襦別來鶯燕已春餘
梳洗樓臺愁獨倚笙歌庭院醉誰扶捲簾閒看玉蟾
蜍

前調

陳允平

十二珠簾繡帶垂柳煙迷暗楚江涯自攜玉笛凭丹梯
寫恨鸞箋凝粉淚踏青鴛鞮濺金泥落紅深處乳鶯
啼

前調

陳允平

睡起瞢騰小篆香素紈輕度玉肌涼竹深荷淨少炎光
雨過亂蟬嘶古柳日斜雙鷺立閒塘更將心事自商

量

前調 擬梅川

周密

蠶已三眠柳二眠雙竿初起畫秋千鶯籠風響十三絃
魚素不傳新信息鸞膠難續好姻緣薄情明月幾番
圓

前調

周密

不下珠簾怕燕嗔旋移芳檻引流鶯春光却又早中分
杏火無煙燃綠暗梨雲有雪冷清明冶遊天氣冶遊
心

前調

周密

絲雨籠煙織曉晴睡餘春酒未全醒翠鈿輕脫隱香痕

春

生怕柳絲繁舞蝶戲拋梅彈打流鶯最難消遣是殘

前調 墨水仙

張炎

昨夜藍田採玉游向陽瑤草帶花收如今風雨不須愁
零露依稀傾鑿落碎瓊重疊綴搔頭白雲黃鶴思悠
悠

前調 蘭

張炎

半面妝凝鏡裏春同心帶舞掌中身因沾弱水褪精神
冷豔喜尋梅共笑枯香羞與佩同紉湘皋猶有未歸
人

前調

石孝友

柳岸梅溪春又生風枝斜裊雪枝橫空牽歸興惹離情
灰盡寸心猶自熱淚承雙睫不能晴夢雲樓隔豫章
城

前調

石孝友

迎客西來送客行堆堆歷歷短長亭
人殘酒不能醒
煙染暮山浮紫翠霜凋秋葉滿丹青
憑誰圖寫入銀屏

前調

石孝友

幾曲屏山數幅波鴈聲斜帶夕陽過
卸帆聊醉菊花坡
旅枕夢魂歸路遠秋江風緊夜寒多
薄情還解憶人麼

前調

石孝友

宿醉離愁慢髻鬟綠箋紅豆憶前歡
錦江春水寄書難
紅袖時籠金鴨暖小樓吹徹玉笙寒
爲誰和淚倚闌干

前調

張桂

雨壓楊花路半乾蜂遺花粉在闌干
牡丹開盡正春寒
嬾品么絃金鴈並瘦驚雙釧玉魚寬
新愁不放翠眉閒

前調

張槃

習習輕風破海棠秋千移影上迴廊
晝長蝴蝶爲誰忙
度柳早鶯分暖綠過花小燕帶春香
滿庭芳草又斜

陽

前調

武進 廳壁

楊彥齡

倦客東歸得自由西風江上泛扁舟夜寒霜月素光流
想得故人千里外醉吟應上謝家樓不多天氣近中
秋

前調

陳德武

月落桐梢杜宇啼雪埋芳樹鷓鴣飛夜闌分作送春詩
山上安山經幾歲口中添口又何時相思一曲訴伊
誰

前調

薛夢桂

柳映疎簾花映門春光一半幾銷魂新詩未了枕先溫

昏
燕子說來千萬恨海棠開到二三分小牕銀燭又黃

前調

桂

毛珣

綠玉枝頭一粟黃碧紗帳裏夢魂香曉風和月步新涼
吟倚畫闌懷李賀笑持玉斧問吳剛素娥不嫁為誰
妝

前調

趙君舉

疎蔭搖搖趁岸移驚鷗點點過帆飛船分水打嫩沙回
斷夢不知人去處卷簾還有燕來時日斜風緊轉灣
西

前調

江開

手撚花枝憶小蘋綠窗空鎖舊時春滿樓飛絮一箏塵
素約未傳雙燕語新愁還入賣花聲十分春事倩行
雲

前調 寄劉總管

何夢桂

細柳連營綠蔭重暖風旗影颺蛇龍晝閒吟思入千峰
紫綬金牌人綠鬢繡韉絲轡馬青驄會將三箭取侯
封

前調 用前韻并簡二千戶

何夢桂

金紫山前山萬重山高雲密下蒼龍春來好雨徧三峰
芳草郊原眠繭犢垂楊營壘繫花驄趨歸行有紫泥
封

前調

李彭老

玉雪庭心夜色空移花小檻鬪春紅輕衫短帽醉歌重
彩扇舊題煙雨外玉簫新譜燕鶯中闌干到處是春
風

前調 瓜陂題壁

無名氏

翦碎香羅裛淚痕鷓鴣聲斷不堪聞馬嘶人去近黃昏
整整斜斜楊柳陌疎疎密密杏花邨一番風月更銷
魂

前調

宋媛李清照

淡蕩春光寒食天玉爐沉水裊殘煙夢回山枕隱花鈿
海燕未來人鬪草江梅已過柳生絲黃昏疎雨濕秋

千

前調

李清照

繡幕芙蓉一笑開斜偎寶鴨襯香腮眼波才動被人猜
一面風情深有韻半牋嬌恨寄幽懷月移花影約重
來

前調

李清照

樓上晴天碧四垂樓前芳草接天涯傷心莫上最高梯
新筍已成堂下竹落花都入燕巢泥忍聽林表杜鵑
啼

前調

李清照

髻子傷春嬾更梳晚風庭院落梅初淡雲來往月踈踈

無

前調

李清照

玉鴨熏爐閒瑞腦朱櫻斗帳掩流蘇通犀還解辟寒
小院閒窗春色深重簾未捲影沉沉倚樓無語理瑤琴
遠岫出雲催薄暮細風吹雨弄輕陰梨花欲謝恐難
禁

前調

宋媛李氏

無力薔薇帶雨低多情蝴蝶趁花飛流水飄香乳燕啼
南浦魂銷春不管東陽衣減鏡先知小樓今夜月依
依

前調

宋媛朱淑真

露井天桃吐絳英春衣初試薄羅輕風和煙暖燕巢成
明 滿院深簾閒不捲曲房朱戶悶長扃惱人光景又清

前調

朱淑真

卸下金釵一樣嬌背燈初解繡裙腰衾寒枕冷夜香消
聊 深院不關春寂寂落花和雨夜迢迢恨情和夢更無

前調

宋媛 珍娘

春 溪霧溪煙溪景新溶溶春水淨無塵碧琉璃底浸春雲
風颺游絲垂蝶翅雨飄飛絮濕鶯脣桃花片片送殘

前調

慕容崑卿妻

樓 滿目江山憶舊游汀花汀草弄春柔長亭樣住木蘭舟
好夢易隨流水去芳心猶逐曉雲愁行人莫上望京

前調

劉仲尹

情 繡館人人倦踏青粉垣深處簸錢聲賣花門巷綠陰輕
簾幙風柔飛燕燕池塘花暖語鶯鶯有誰知道一春

前調

劉仲尹

貼體宮羅試袷衣冰藍嬌淺染東池春風一把瘦腰支
戲鏤寶鈿呈翡翠笑拈金剪下酴醾最宜京兆畫新

看

前調

劉仲尹

萬疊春山一寸心章臺西去柳陰陰藍橋特為好花尋
別後魚封煙漲闊夢迴鸞翼海雲深情知頓著有如今

前調

趙可

火冷熏爐香漸消更闌撥火更重燒愁心心字兩俱焦
半世清狂無限事一牕風月可憐宵殘燈花落夢無聊

前調

趙可

擡轉爐熏自換香錦衾收拾却遮藏二年塵暗小鴛鴦

涼

落木蕭蕭風似雨疎櫺皎皎月如霜此時此夜最淒

王礪

前調

夢中作

林樾人家急暮砧夕陽人影入江深倚闌疎快北風襟
雨自青山明處黑雲從白鳥去邊陰幾多秋思亂鄉

心

前調

李獻能

垂柳陰陰水拍堤欲窮遠目望還迷平蕪盡處暮天低
知 萬里中原猶北顧十年長路却西歸倚樓懷抱有誰

前調

贈歌者

趙孟頫

滿捧金卮低唱詞樽前再拜索新詩老夫慚愧鬢成絲
羅袖染將新竹翠粉香須上小梅枝相逢不似少年
時

前調 贈粉兒

詹正

淡淡青山兩點春嬌羞一點口兒櫻一梭兒玉一縞雲
白藕香中見西子玉梅花下遇文君不曾真箇也銷
魂

前調

顧奎

夢泊游絲晝影移水沉香宛紫煙微玉笙纔過畫樓西
天上人間花事近鏡中翠壓兩山低又成春過感鶯
啼

前調 崑山州城西小寺

宋聚

落日吳江駐畫橈招提佳處暫逍遙海風吹面酒全消
曲沼芙蓉秋的小山叢桂晚蕭蕭幾時容我夜吹
簫

前調

邵亨貞

西子湖頭三月天半篙新漲柳如煙十年不上斷橋船
百媚燕姬紅錦瑟五花宛馬紫絲鞭年年春色暗相
牽

前調

劉基

半畝荒園自看鋤雨中時復擷新蔬不須彈鋏歎無魚
早息機心勞役少懶聞世事往來疎清風明月總贏

餘

前調

劉基

絳幘雞人紫綺裘彤墀欲報五更籌不勝嬌冶立清秋
日影却穿雲氣入虹光猶帶露華流三千紅粉總凝
眸

前調

劉基

細草垂楊邨巷幽白沙素石引溪流青苔磯上有扁舟
門外好山開罨畫屋頭新月學簾鉤窗風一榻似清
秋

前調

劉基

花壓闌干春晝長碧樓紅樹倚斜陽入門惟覺一庭香

腸

絕壁過雲開錦繡冰絲彈月夢清涼鸞歌鳳舞斷人

前調

劉基

語燕鳴鳩白晝長黃蜂紫蝶草花香滄江依舊遶斜陽
泛水浮萍隨處滿舞風輕絮霎時狂清和院宇麥秋
涼

前調

劉基

雪壓斜曛照樹黃風生水榭綠陰涼渴蛙得雨鬧池塘
紅燄射人榴火炫青絲匝地柳條長捲簾明月滿迴
廊

前調

劉基

從透麗詩餘卷
可怪西園木槿花強將孤豔鬪輕霞不知門外夕陽斜
應有斷魂隨蛺蝶豈無幽恨寄寒鴉那堪橫被綠苔
遮

前調 初夏

楊基

幾卷斜封出舊窠藕絲柔梗上新荷衣裳輕薄試單羅
煙淡淡中青草合雨絲絲裏綠陰多園林佳處是清
和

前調 上巳

楊基

軟翠冠兒簇海棠砑羅衫子繡丁香閒來水上踏青陽
風暖有人能作伴日長無事可思量水流花落任匆
忙

前調

楊基

小院迴廊曲更深一重楊柳一重陰夜長人靜漏沉沉
雪白梨花千瓣玉雨黃梅子萬丸金清和天氣夏初
臨

前調 花朝

楊基

鸞股先尋鬪草釵鳳頭新繡踏青鞵衣裳宮樣不須裁
軟玉鏤成鸚鵡架泥金鑄就牡丹牌明朝相約看花
來

前調 寒食

楊基

暖雨香雲百五天玉纖銀甲十三絃笑移羅幙上紅船
照水再簪珠絡索背人重貼翠團圓安排花裏蹴秋

千

前調

湯公讓

燕壘雛空日正長一川殘雨映斜陽鷓鴣晒翅滿魚梁
榴葉擁花當北戶竹根抽笋出東牆小庭孤坐嬾衣裳

前調

張縉

風攪花陰舞扇羅疎簾清簟鬪湘波隔牆誰唱竹枝歌
寶鼎裊雲秋意嫩玉簫吹月夜涼多今年新鴈信如何

前調

于儒穎

一片心情眼底柔倦容疎態越風流未經惆悵不知愁

樓

鴛譜怪來鍼線減工夫強半為梳頭日西初見下妝

前調

施紹莘

杜若芳洲淡淡煙一番花信又經年燕悲春盡亦呢喃
燭影搖紅裁密信綺琴翻曲記奇緣惱人心性脫繇天

前調

施紹莘

手揭簾衣漾曉風小釭餘燦畫屏中有人羞倩拾鞦韆弓
看學蛾妝黃嫩點鬢偷鴉潤綠新籠耐人瞧觀面微紅

前調

夏復

柳色深深聽曉鶯玉闌愁倚夢分明閒花斜落小釵橫
蝴蝶前身原夜合楊花身後作浮萍東風輕薄誤多情

前調

錢繼登

蟬避濃炎靜未譁東隣伊軋縹絲車豆棚瓜架野人家
翠莢嫩堪浮茗氣黃雞肥欲待薑芽閒搔短髮日西斜

前調

錢繼章

春盡園林褪鬧紅陰陰靜綠意從容鬚眉俱碧住山翁
花捲半堦通履鳥柳開一面出簾櫳管人間事是東風

前調

客歸見
柳花作

馮鼎位

渺渺煙雲古道斜長亭遙望短亭賒東風何事苦相遮
記得江梅纔入夢却看楊柳近飛花不知春色在誰家

前調

馮鼎位

輕暖輕寒日易斜半山半水路方賒春深無影倩誰遮
客路蕭蕭無好夢故園日日想開花去年雙燕已還家

前調

馮鼎位

綠滿池塘春漸輕惱人天氣過清明腰肢瘦損轉娉婷
喚雨喚晴鳩不歇無拘無束夢難憑閒愁畢竟幾時

停

前調

郊行

明媛 王鳳嫺

曲徑新篁野草香隨風閃閃蝶衣忙柳絲飛墮點衣裳
人在景中憐日永燕翻波面舞春長小橋古渡半斜

陽

前調

明媛 沈宜修

淡薄輕陰拾翠天細腰柔似柳飛絲吹簫閒向畫屏前
詩句半緣芳草斷鳥啼多為杏花妍夜寒紅露濕秋

千

前調

新月

明媛 葉小紉

纖影黃昏到小樓弱雲扶住柳梢頭捲簾依約見簾鉤

流

妝鏡試開微露匣蛾眉學畫半含愁清光先自映波

前調

明媛 葉小鸞

幾日東風倚畫樓碧天青靄半空浮韶光多半杏梢頭
垂柳有情憐夕照飛花無計卻春愁但憑天氣困人

休

前調

葉小鸞

竹徑煙迷薜荔牆好風搖曳弄垂楊無情啼鳥向人忙
一曲瑤琴消午夢半爐沉水爇春香倚闌無語又斜

陽

前調

初夏

葉小鸞

香到醅醪送晚涼
行風輕約薄羅裳
曲欄凭徧思徧長
自是幽情慵捲幌
不關春色惱人腸
誤他雙燕未歸梁

前調

明媛 周蘭秀

雨過梧桐萬綠平
模糊山色逐雲行
飄飄鶯羽傍風迎
茉莉小庭香落袂
夢餘蕉影倚牕橫
隔樓何處度簫聲

前調

南唐李煜

紅日已高三丈透
金爐次第添香獸
紅錦地衣隨步皺
佳人舞點金釵溜
酒惡時拈花蕊
勳別殿遙聞簫鼓奏

御選歷代詩餘卷七

